




## **Al keiv khi bhaiq hao nail ganl**




Teevq-n al keiv khi bhaiq hao neq, aq jal hal pov jaq-ail thaq nail ngaol. Bhaiq hao neq, laol jaol daol bhaq mil bhaol bha dav lai thaq nail ngaol.




Al keiv neq, bhaiq hao bhai jaq bheq ol al gao jaq nail aq jal  
laq tsail mail liv kha ai leevq o dai ge bhiq thaq nail ngaol.




Bhaiq hao neq, al gao ol jail-nvq phao tsaoq phaoq yaoq, ngal  
phaiq kha-ai leevq lavq bhel dai gaoq ge bhiq thaq nail ngaol.



Bhaiq hao I mail aq jal liv kha gai-aivq bhiq u phao, al keiv  
nail lavq mav ga cov ail bhiq thaq nail ngel-i mail bhaiq hao  
neq, tsaoq thaq nail ngaol.



Bhaiq hao neq, lavq tsail mail hel sil hel sil-ail aq khaol teevq  
khaol bhai tsaoq bhoel laivq thaq nail ngaol.




Aivq maq tsil lai dai hel sil thaq i mail leel khaol mi cil cil dai  
hel sil pevq thaq nail ngaol.




Al heel ngel-i mail bhaiq hao neq, aq bhai aq khaol khaol khi  
jaol thaq nail ngaol.


## **Gaoq haq lal nail bhoiq loi nail ganl**




Mil nee u nee bhoiq loi neq, meeq dee dee nail aq eiv jail-nvq  
bhai aivq teevq maol taivq-ail jaol nail ngel-i mail aol tavq tavq  
tsaoq ya hal pov nail niil dai noeq lal bhiq thaq nail ngaol.




Al heel ngel-i mail phaq yaq jaol nail bha ail khi nga dao aol  
tavq tavq ga bhel dai ge bhiq thaq nail ngaol. Phaq yaq neq, aol  
tavq maq tavq kivq-ail gaq doil doil lal nail ngaol dai ge bhiq  
thaq nail ngaol.




Bhoiq loi neq, laol jaol daol bhaq bhai gaoq ail khi del gil ol  
nga dao aol tavq tavq ga bhel dai gaoq ge ail thaq nail ngaol.  
Del gil neq, ngal ul cuvq lavq khoel bhai taivq-ail jaol nail  
ngel-i mail maq tavq kivq-ail dai ge bhiq thaq nail ngaol.



Bhoiq loi ya civ jao nail bha gaoq ail khi nga dao aol tavq tavq  
bhel dai gaoq ge bhiq-ail thaq nail ngaol. Ya civ neq, ngal maq  
da-n ail, aq jal ya hal pov jaq-ail nail dai ge kovq bhiq thaq nail  
ngaol.



Bhaiq hao jaol nail bha gaoq ail khi nga dao aol tavq tavq bhel dai gaoq ge bhiq-ail thaq nail ngaol. Bhaiq hao neq, ngal aq jal niil il khaol bha gaoq ya bavq kol-aivq nail ngel-i mail aol tavq tavq nail maq da-n ail dai ge kovq bhiq thaq nail ngaol.




Haoq nao nao saq yaq miq teevq gaq jaol nail bha ail khi nga  
dao aol tav tavq bhel dai khul-ail thaq nail ngaol. Yaq miq al  
gaq iq sanl oeq tavq naol tavq naol dai ge kovq bhiq thaq nail  
ngaol.



Al heel ngel-i mail bhoiq loi al maol aol tavq tavq tsaoq bhao  
lal khi, yaq miq al gaq bhoiq loi al maol bhai gaoq haq lal nail  
bhoiq loi dai khul bhiq thaq nail ngaol.

## **Eel yav aq phul**



Mil nee uq nee nl ma dov lal nail ngaq kha daol bhaq bhai jaol  
nail eel yav aq phul teevq maol jaol lao thaq nail ngaol.



Ul cuvq gee lai nail maoq lal bhiq thaq i mail eel yav al maol  
neq, ul cuvq hal pov daol-ail nail dai khi bhail dol aivq thaq  
nail ngaol.




Bhail dol aivq u phao, mal cavq teevq cavq moel khi ul cuvq  
aol maq aol dai huq nil daiq thaq nail ngaol.



Aivq aq meeq-aii hel daiq u phao neq, mal cavq daoq doi bhai  
ul cuvq mi cil aol nail bhai ya moel thaq nail ngaol.



Aivq ul cuvq daol nail khi lai jai u phao mal cavq moeq khoeq  
khoeq yaq ngel-i mail aivq nail moeq tov maq dail lai dai maq  
daol kheel nia thaq al.



Ul cuvq daol nail dai khi lai jai dee dee u phao, gaq doil doil  
dee dee lal bhiq thaq nail ngaol. Al heel ngel-i mail lov mav  
heeq yaq gov bhoel daiq thaq nail ngaol.




Lov mav gov bhoel u phao, ul cuvq bhee lal nail bhai ya moel-a nail ngaol. Al heel ngel-i mail ul cuvq leel khoeq bha kev lal u kev dai lov mav gov bhoel thaq nail ngaol.



Al hai khi mail pul tavq lavq khiq tsail dee dee nail lavq khoel  
mal cavq lavq khoel khe ul cuvq iq sanl mail ya daol bov khi  
bhail kol laivq thaq nail ngaol.

Jaiq yaq nail ganq je



Haoq gavq phal doiq nail aq mil : Jaiq yaq nail ganq jeq

Gevq dov-a nail gaq : Noe ja

Jeq-e nail daoq : Gaol kheel

Maol khoel : Noeq ja

Gevq dov-a nail aq yanq : January 2008

Nvq pov teevq pov lav sav phal-a nail : April 2015

Geeq laoq eeq daoq

Haoq gavq phal doiq niil doiq gevq dov kivq-a nail neq, iq moeq il moeq Miq yail nail geeq laoq bhai tsiq eeq naol. Al ovq tavq saol lavq-a nail saq laq saq laq ma juq bhai iq sanl geeq laoq eeq naol.

Haoq gavq phal doiq niil doiq neq, haoq gavq ge jao jao nail juq bhai haoq gavq ge nia jaiq lal dai noeq thuq-nq khi gevq-ai thaq nail ngaol. Haoq gavq ge nia nail juq iq sanl ge meeq nail ganl je juq gevq bhoel-ai thaq nail ngaol.

Aol nail phaq

Aq mil

Haoq gavq maiv phaoq

Al keiv khi mail bhaiq hao nail ganl.....

Gaoq haq lal nail bhoiq loi nail ganl.....

Eel yav aq phul nail ganl.....